



Bosnia and Herzegovina
Federation of Bosnia and Herzegovina

CANTON SARAJEVO
Institute for Informatics and Statistics

Broj: 26-11-38614-6/20
Sarajevo, 26.10.2020. godine

Na osnovu člana 64. (Kriteriji za dodjelu ugovora), stav (1), tačka b), člana 70. (Odluka o izboru i odluka o poništenju), stav (1), (2), (3) i (6), člana 71. (Obavještanje kandidata i ponuđača o rezultatima) člana 89. (Dodjela ugovora u postupku konkurentskog zahtjeva), stav (3) Zakona o javnim nabavkama ("Službeni glasnik Bosne i Hercegovine", broj: 39/14), Preporuke i Izvještaja o radu Komisije za javne nabavke, direktor Zavoda za informatiku i statistiku Kantona Sarajevo, donosi

O D L U K U

o izboru najpovoljnijeg ponuđača u okviru Konkurentskog zahtjeva za dostavu ponuda za javnu nabavku robe: Uređaj za sigurnost mreže

Član 1.

(Predmet Odluke)

(1) Prihvata se Preporuka Komisije za javne nabavke Zavoda za informatiku i statistiku Kantona Sarajevo u postupku javne nabavke robe: Uređaj za sigurnost mreže, putem Konkurentskog zahtjeva za dostavu ponuda, koji je objavljen na portalu javnih nabavki, Obavještanje o nabavci, broj: 383-7-1-27-3-2/20, od dana 07.10.2020. godine i portalu javnih nabavki Kantona Sarajevo, dana 07.10.2020. godine.

(2) Ugovor o javnoj nabavci robe dodjeljuje se izabranom ponuđaču KING ICT d.o.o. Sarajevo, Ulica Aleja Bosne Srebrene broj 34, 71000 Sarajevo, Bosna i Hercegovina (u daljnjem tekstu: Izabrani ponuđač), ponuda evidentirana pod brojem: 26-11-41270/20, vrijednost: 49.000,00 KM bez PDV-a, odnosno 57.330,00 KM s PDV-om.

Član 2.

(Dostava dokaza kvalificiranosti)

Izabrani ponuđač je obavezan da u roku od 5 (pet) dana od dana prijema ove Odluke dostavi originale ili ovjerene kopije dokaza kvalificiranosti iz člana 45. Zakona o javnim nabavkama ("Službeni glasnik Bosne i Hercegovine", broj: 39/14), kako slijedi:

- a) uvjerenja nadležnog suda i Suda Bosne i Hercegovine kojima se dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenje nadležne institucije da je ponuđač izmirio dospjele obaveze u vezi s plaćanjem direktnih i indirektnih poreza.



Član 3.
(Izvor finansiranja)

Finansijska sredstva za potrebe ove javne nabavke su planirana i predviđena u Budžetu Kantona Sarajevo za 2020. godinu.

Član 4.
(Stupanje na snagu i objava Odluke)

(1) Ova Odluka stupa na snagu danom donošenja

(2) Odluka će biti objavljena na web stranici Zavoda za informatiku i statistiku Kantona Sarajevo, istovremeno s obavještanjem Izabranog ponuđača, te objavom na portalu javnih nabavki.

OBRAZLOŽENJE

Postupak javne nabavke robe: Uređaj za sigurnost mreže je pokrenut Odlukom o pokretanju postupka javne nabavke, broj: 26-11-38614/20, od 07.10.2020. godine. Postupak javne nabavke je proveden putem Konkurentskog zahtjeva za dostavu ponuda, gdje ukupna procijenjena vrijednost javne nabavke iznosi 49.000,00 KM. Komisija za javne nabavke je imenovana Rješenjem o imenovanju Komisije za javne nabavke, broj: 26-30-13812/20, od dana 26.05.2020. godine. Obavještenje o nabavci, broj: 383-7-1-27-3-2/20 i predmetna tenderska dokumentacija su objavljeni dana 07.10.2020. godine na portalu javnih nabavki i Portalu javnih nabavki Kantona Sarajevo, a Zahtjev za dostavu ponuda i preuzimanje tenderske dokumentacije je dostavljen na adrese 3 (tri) potencijalna ponuđača.

Krajnji rok za prijem ponuda je bio 22.10.2020. godine, do 12:30 sati, a javno otvaranje ponuda je održano 22.10.2020. godine u 13:00 sati u Multimedijalnoj sali Kantona Sarajevo, Ulica Reisa Džemaludina Čauševića broj 1.

Komisija za javne nabavke je direktoru Zavoda za informatiku i statistiku Kantona Sarajevo dostavila Zapisnik o prijemu i otvaranju ponuda, Zapisnik o ocjeni ponuda, Izvještaj o radu Komisije za javne nabavke i Prijedlog odluke o izboru, dana 23.10.2020. godine. Na osnovu dostavljenih dokumenata, utvrđeno je da je Komisija za javne nabavke blagovremeno i pravilno izvršila prijem, otvaranje i ocjenu pristigle ponude te je utvrđeno sljedeće:

- Ukupan broj pristiglih ponuda: 1
- Ukupan broj blagovremeno zaprimljenih ponuda: 1
- Ukupan broj neblagovremeno zaprimljenih ponuda: 0
- Ukupan broj prihvatljivih ponuda: 1
- Ukupan broj neprihvatljivih ponuda: 0

Komisija za javne nabavke je analizirala dostavljenu ponudu i prateću dokumentaciju, provjerila i utvrdila validnost ponude, u skladu sa zahtjevima i uslovima predmetne tenderske dokumentacije, te važećim zakonskim i podzakonskim aktima.

Prikaz ponude prema obliku, sadržaju i potpunosti, prema dostavljenim informacijama:

Redni broj koverta	Broj protokola	Naziv ponuđača	Ukupna cijena bez i sa PDV-om u KM	Način plaćanja	Rok izvršenja	Ponuđeni popust
1.	26-11-41270/20	KING ICT d.o.o. Sarajevo	49.000,00 57.330,00	30 dana od prijema fakture, žiralno	45 dana od potpisa ugovora	/



web: <http://zis.ks.gov.ba>
e-mail: zis@zis.ks.gov.ba
Tel: + 387(0)33 560-470, Fax: +387(0)33 560-490
Sarajevo, Reisa Džemaludina Čauševića 1

Uvidom i analizom ponude, Komisija za javne nabavke je utvrdila da je ponuda ponuđača KING ICT d.o.o. Sarajevo kompletna, tehnički i formalno-pravno prihvatljiva ponuda. U postupku prijema, otvaranja i ocjene ponude, direktor Zavoda za informatiku i statistiku Kantona Sarajevo nije utvrdio razloge, nepravilnosti ili propuste u radu, koji bi eventualno bili osnov za neprihvatanje Preporuke Komisije za javne nabavke, a izbor ponuđača je u potpunosti izvršen u skladu sa zakonskim i podzakonskim aktima, te predmetnom tenderskom dokumentacijom.

Zbog prethodno navedenih razloga, odlučeno je kao u dispozitivu.

Pouka o pravnom lijeku: Protiv ove Odluke se može izjaviti žalba u roku od 5 (pet) dana od dana prijema ove odluke.

Dostaviti:

- Ministarstvo finansija Kantona Sarajevo
- KING ICT d.o.o. Sarajevo

- a/a



web: <http://zis.ks.gov.ba>

e-mail: zis@zis.ks.gov.ba

Tel: + 387(0)33 560-470, Fax: +387(0)33 560-490

Sarajevo, Reisa Džemaludina Čauševića 1